

beczalt habin, des selbin koufis wir ouch eyn gewere sin sullen vnde wullen also recht ist, vnde wir habin ouch den obgenantin burgermeistern, ratisluten, reten vnde burgern gemeinlich zcu Lipczk vnde allen iren nachkomen die vorgenantin tichstad vor Vdericzsch vnde daz dorf zcu Vdericzsch mit allir zeugehorunge mit guten wizen zcu rechten lehen geligen vnde lihen yn ouch daz egenante dorf vnde tichstad zcu rechten lehen mit disem brife gnediglichin von vns vnde vnsern erbin geruwiglich vnde ewiglich zcuhaben vnde zcubesiczen. Die egenantin burgermeistere, ratislute, rete vnde burgere gemeinlichin der stad zcu Lipczk vnde alle ire nachkomen sullen ouch von dem mergenantin dorfe Vdericzsch vnde von der tichstad vor Vdericzsch vnser, vnser erbin vnde allir vnser nachkomen gehulte gesworne man sin vnde sullen vns dauon getruwe vnde gewere sin, als eyn man sime herren zcu rechte sin sal ane argelist vnde geuerde, vnde habin des zcu orkunde merer sicherheit vnde ewigem bekentnizse vnser insigel an disen geinwertigen brif wizensintlichin lazzin hengin. Darby sin gewest vnde sint geczuge der edele er Albrecht burcgrafe von Lizensig, herre zcu Rogksberg, die gestrengin er Ditherich vnde er Friederich von Wiczeleyben, er Tamme Phlug, er Heinrich von Bunow, Conrad von Bresenicz vnde andir lute gnug den wol ist zeugloubin. Gegebin nach goczs geburt dryezenhundirt iar in dem funfvndeachezigsten iare am dinstage vor Michaelis des heiligen erczengels.

Nach dem Orig. im Rathsarchiv zu Leipzig. Das an einem Pergamentstreifen befestigt gewesene Siegel ist bis auf ein kleines Bruchstück verschwunden.

No. 91. 1385.

Beschluss der drei Rätthe die Stadthauptleute betr.

Nach Cristi gebort xiiij^e iar darnach in dem lxxxv iare, do Ticzman in der Muncze eyn burgermeystir was, habin dry rete myt der ganczen gemeyne willen vnde wissen der stat Lypeczk gekort vnde gelabit an eydis stat, durch der stat bestes vir heutlute czu habene vnde dy czu kisene vs dry reten alle iar vf wynachten by fünf marg; welchir der heutlute eyn dy kore widursprechin, der sal der stat Lypeczk fünf marg ane alle widerspruche gebin vnde dorin vorvallen syn. Vnde den vir heutluten sal man idem manne jerlichin von jdem virteyle der stat bestes czu werbin eynen man czu hulfe gebin, sundirn alle widirspruche by der obgeschriebene buse.

Nach Barthel's Diplom. Lips. III. fol. 18 und desselben Vermischten Nachrichten von Leipzig fol. 38^b im Rathsarchiv zu Leipzig.